



Memorijalni centar Srebrenica-Potočari Spomen obilježje i mezarje za žrtve genocida iz 1995. Godine

Broj: 01-16-3-2186-6/24

Srebrenica, 28.08.2025. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine i broj: 01-02-3-1847/24 od 02.08.2024. godine, i preporuke Komisije za nabavke konstatovane u Zapisniku o pregledu i ocjeni ponuda u postupku javne nabavke usluga putem otvorenog postupka, broj: 01-16-3-2186-5/25 od 25.08.2025. godine, predsjedavajući Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, donio je

ODLUKU

o izboru najpovoljnijeg ponuđača i dodjeli okvirnog sporazuma

Član 1.

Prihvata se prijedlog Komisije za nabavke i Okvirni sporazum za nabavku usluga: „Usluge nabavke avio karata“ dodjeljuje se ponuđaču **VENTURA TRAVEL AGENCY d.o.o.**, Donja Čaršija 1a, 72270 Travnik, koji je dostavio prihvatljivu ponudu sa najnižom cijenom u iznosu od 0,01 KM bez PDV-a (slovima: 001/100 konvertibilnih maraka).

Član 2.

Postupkom javne nabavke predviđeno je potpisivanje Okvirnog sporazuma na period od 12 (dvanaest) mjeseci. Okvirnim sporazumom Ugovorni organ i Izvršilac mogu u toku cijelog perioda na koji se okvirni sporazum zaključuje, zaključivati pojedinačne ugovore iz oblasti predmetne nabavke.

Član 3.

Izabrani ponuđač iz člana 1. Odluke se obavezuju da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b) c) i d) Zakona o javnim nabavkama.

Član 4.

U skladu sa članom 70. stav (6) i 71. Zakona o javnim nabavkama, ova će se Odluka objaviti na službenoj internet stranici Ugovornog organa www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 01-16-3-2186-5/24 od 25.08.2025. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 25. Zakona o javnim nabavkama, pokrenuo otvoreni postupak (sa zaključivanjem okvirnog sporazuma), broj: 01-16-3-2186/24 od 01.08.2025. godine za nabavku usluga: „Usluge nabavke avio karata“. Procijenjena vrijednost javne nabavke bez PDV-a iznosi 80.000,00 KM.

Obavještenje o nabavci broj: 1348-1-2-50-3-39/25 objavljeno je dana 01.08.2025. godine na Portalu javnih nabavki i u „Službenom glasniku BiH“, broj 48/25.

Iz Izvještaja o preuzimanju tenderske dokumentacije preuzetog sa Portala javnih nabavki broj: 1348-1-2-50/50 od 25.08.2025. godine, utvrđeno je da je tendersku dokumentaciju preuzelo ukupno 9 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 22.08.2025. godine sa početkom u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponude blagovremeno dostavila dva ponuđača sa ponuđenim cijenama kako slijedi:

1. VENTURA TRAVEL AGENCY d.o.o. sa cijenom od 2.750,00 KM bez PDV-a i bez popusta;
2. CENTROTRANS d.d. Sarajevo sa cijenom od 2.750,00 KM bez PDV-a i bez popusta.

Na javnom otvaranju ponuda prisustvovao je predstavnik ponuđača Ventura Travel Agency d.o.o.

Komisija se ponovo sastala dana 25.08.2025. godine radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđene usluge odgovaraju predmetu nabavke i tehničkim specifikacijama.

Nakon pregleda i ocjene ponuda, Komisija je konstatovala da su oba ponuđača dostavila tehnički zadovoljavajuće ponude i time ispunili uslove propisane članovima 45.-52. Zakona, kao i minimalne uslove za kvalifikaciju propisane tenderskom dokumentacijom.

S obzirom da je u ovom postupku nabavke, na adresu ugovornog organa pristigao dovoljan broj prihvatljivih ponuda, Komisija je u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 80/23) i uslovima iz tenderske dokumentacije zakazala e-aukciju prema kriterijima najniža cijena ponude.

Nakon održane e-aukcije, a u skladu s Izvještajem o toku i završetku e-aukcije, broj: 1348-1-2-50/25 od 27.08.2025. godine, prvorangirani ponuđač na konačnoj rang-listi je VENTURA TRAVEL AGENCY d.o.o, dok je drugorangirani ponuđač CENTROTRANS d.d. Sarajevo.

Komisija je predložila ugovornom organu da se Okvirni sporazum za nabavku usluga: „Usluge nabavke avio karata“ dodijeli ponuđaču VENTURA TRAVEL AGENCY d.o.o., Donja Čaršija 1a, 72270 Travnik, koji je dostavio prihvatljivu ponudu sa najnižom cijenom u iznosu od 0,01 KM bez PDV-a (slovima: 001/100 konvertibilnih maraka), odnosno 0,012 KM sa uračunatim PDV-om.

Komisija je sačinila Zapisnik o pregledu i ocjeni ponuda, broj: 01-16-3-2186-5/25 od 25.08.2025. godine, koji je sastavni dio ove odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol Ugovornog organa ili preporučenom poštom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



Dostavljeno:

1. Svim ponuđačima;
2. A/a.

Prilog:

- Zapisnik o pregledu i ocjeni ponuda, broj: 01-16-3-2186-5/25 od 25.08.2025. godine.